

DIOGELU DATA - EIN DULL GWEITHREDU

Mae Dŵr Cymru Welsh Water (DCWW) wedi ymrwymo i sicrhau ein bod ni'n delio â gwybodaeth bersonol ein cwsmeriaid a'n gweithwyr mewn ffordd gyfrifol a gonest ym mhopeth a wnawn, sy'n cynnwys parchu eu hawliau diogelu data. Cael pobl i ymddiried ynom i wneud y peth iawn yw un o'n gwerthoedd craidd.

Fel rheolwr data dros wybodaeth bersonol ein cwsmeriaid a'n gweithwyr, y cwmni sy'n gyfrifol yn y pen-draw am sicrhau bod gwybodaeth bersonol ein cwsmeriaid a'n gweithwyr yn cael ei phrosesu yn unol â'r cyfreithiau Diogelu Data (gan gynnwys y Rheoliad Diogelu Data Cyffredinol (GDPR) a Deddf Diogelu Data 2018). Mae hyn yn cynnwys amgylchiadau lle mae trydydd parti yn prosesu gwybodaeth bersonol ar ein rhan. Ein nod yw sicrhau bod pob contract lle bydd trydydd parti yn prosesu gwybodaeth bersonol ar ran y cwmni yn cynnwys darpariaethau diogelu data priodol er mwyn sicrhau ein bod wedi cymryd pob cam rhesymol i gydymffurfio â'r cyfreithiau Diogelu Data. Tîm Diogelwch Gwybodaeth y cwmni sy'n gyfrifol am ddilysu bod mesurau diogelu technegol digonol yn eu lle i amddiffyn gwybodaeth bersonol ein cwsmeriaid a'n gweithwyr.

Mae'r Bwrdd yn rhoi ei ardystiad i Bolisi Diogelu Data'r cwmni. Mae ein nod o sicrhau gwelliannau parhaus yn ein harferion mewn perthynas â Diogelu Data wrth ddarparu'r gwasanaethau y mae ar ein cwsmeriaid eu hangen gennym, ac wrth alluogi'r Cwmni i weithredu'n effeithlon, yn golygu bod angen i ni adolygu ein prosesau'n barhaus a'u haddasu lle bo angen. Darperir hyfforddiant a chanllawiau i gydweithwyr o leiaf unwaith y flwyddyn, ac yn ôl yr angen wrth i faterion godi yn ystod y flwyddyn.

Bydd Swyddog Diogelu Data (DPO) y cwmni'n adrodd i'r Bwrdd yn flynyddol gan glustnodi unrhyw risgiau o ran diogelu data a'r camau a gymerir i'w lliniaru. Yn ogystal, bydd y DPO yn codi unrhyw faterion o bwys gyda'r Bwrdd, y Pwyllgor Archwilio a/neu'r Gweithgor fel y bo'n briodol, wrth iddynt godi.

Nod y Bwrdd wrth fabwysiadu'r datganiad diogelu data yma yw cadarnhau ei ymrwymiad i gydymffurfiaeth y cwmni â'r cyfreithiau Diogelu Data ac amddiffyn hawliau unigolion.

Cymeradwywyd gan Gyd-fyrddau Glas Cymru a Dŵr Cymru Cyfyngedig
Mehefin 2020.